

VENDIM
Nr.30, datë 13.1.2005

**PËR KONSERVIMIN E FABRIKËS SË RAFINIMIT NË UZINËN E BAKRIT, RUBIK, DHE
PËR MBYLLJEN E FABRIKËS SË PASURIMIT TË BAKRIT, MJEDË SHKODËR**

Në mbështetje të nenit 100 të Kushtetutës dhe të nenit 4 të ligjit nr.8306, datë 14.3.1998 “Për strategjinë e privatizimit të sektorëve me rëndësi të veçantë”, të ndryshuar, me propozimin e Ministrit të Industrisë dhe të Energjetikës dhe të Ministrit të Ekonomisë, Këshilli i Ministrave

VENDOSI:

1. Fabrika e shkrirjes dhe fabrika e rafinimit në uzinën e bakrit, Rubik, si dhe fabrika e pasurimit të bakrit, Mjedë, Shkodër, të mos konsiderohen pjesë të sektorëve me rëndësi të veçantë.

2. Fabrika e pasurimit të bakrit, Mjedë, Shkodër, t’i nënshtrohet procesit të mbylljes dhe të likuidimit, ndërsa fabrika e rafinimit në uzinën e bakrit, Rubik, të konservohet për një periudhë 1 (një) vjeçare, duke filluar nga data e hyrjes në fuqi të këtij vendimi.

3. Ministria e Industrisë dhe e Energjetikës dhe Ministria e Ekonomisë, brenda vitit 2005, të përgatisin dokumentacionin e nevojshëm për mbylljen dhe likuidimin e fabrikës së pasurimit të bakrit, Mjedë, Shkodër.

4. Fondet që nevojiten për ruajtjen e objekteve të fabrikës së pasurimit të bakrit, deri në likuidimin e saj, si dhe fondet e nevojshme për konservimin e fabrikës së rafinimit në uzinën e bakrit, Rubik, të përballohen nga fondet buxhetore të “Albbakër” sh.a.-së për vitin 2005.

5. Ngarkohen Ministria e Industrisë dhe e Energjetikës dhe Ministria e Ekonomisë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Fatos Nano